



**Societas Iesv Amatrix, Cultrix, Imitatrix, Christi Crvcifixi**

**Sandaeus, Maximilianus**

**Antverpiae, 1647**

31. Incredibili animositate super fanum Mahometricum Crucem statuit,  
Gaspar Barzæus, Zelandus.

---

---

**Nutzungsbedingungen**

[urn:nbn:de:hbz:466:1-55449](http://urn.nbn.de/hbz:466:1-55449)

CVLTRIX CRVCIFIXI. 57

ac perfectam vitam, ac sanctitatem, evi-  
denti impulsu Divinus Spiritus, instin-  
tuque vocaret. In ijs unus fuit, qui au-  
ditâ Gasparis concione, detractâ sibi in  
oculis multitudinis, vestimenta, & ce-  
tera, quæ habebat omnia, divisit ege-  
nis, ut CHRISTVM nudus nudum se-  
queretur. Et sanè noctu cubabat humili-  
nudus ad imam CRVCEM: interdiu verò  
totum sese ad ægrotantium, & egeno-  
rum impendebat obsequia. Is vulgo  
visus est INSANIRE. Sed expositâ Ga-  
spari suæ mentis, conversionisque ra-  
tione, veræ Sapientiæ consultissimus,  
& Societate IESV dignus, quia Amator  
CRVCIFIXI est repertus.

Nicolaus Orlandinus histor. Socie. lib. 9. n. 353.

DECAS IV.

I.

AMATOR CRVCIFIXI.

Incredibili animositate super fanum  
Mahometricum Crucem statuit.

CVM GASPAR BARZÆVS Armuziæ  
benè mereri de omnium sectarum  
colluvie pergeret, seu familiari collo-  
quio, seu disputationis altercatione, ejus  
famâ Rex ipse Mahometanus permotus,  
paulatim in studium Christianæ religio-

31.  
GASPAR  
BARZÆVS  
Zelandus,

## 58 SOCIETAS IESV

nis incubuit; atque in idipsum viginti circiter millia ē multitudine traxit, itemque ē nobilitate nonnullos. Sed non tenuit constantiam metu regni amittendi actus in dissidentiam. Ad quod Gaspar ingemuit, hortatusque est Regem, uti Deo fideret, totamque ei rem ex animo commendaret. Ipse autem digressus à Rege novam à celo poposcit opem: jejunia, obsecrations, & id genus alia per se, perque suos instaurat: Supplications de more decernit, incedentibus longo agmine pueris, piē concinenteribus, ætate verò robustiore quinquagenis: aut sexagenis pariter flagellis in sua terga sævientibus. Cacizij Mahometanæ atque Ethnicæ superstitionis Antistites vicissim inflati pœnitentia Regis, concitata plebe, ne Christianis ulla re cederent, & ipsi supplications obire, inediam extendere, novaculis autem incidere, quam maximas copias in Coranum (sic delubrum suum præcipuum, vocant) & reliqua fana cogere, Mahometis execrabile nomen ex omni parte dissonis clamoribus invocare.

Tum Gaspar facinus indignum ratus, in Vrbe, quæ Lusitano præsidio tenetur, CHRISTO Mahometem opponi, magno animi ardore, CRUCEM comparat grandem: ac nulla vi, nullo armorum strepitu, prævia dumtaxat psallentium

IMITATRIX CRVCIFIXI. 59

tium puerorum turba ad Coranum tendit intrepidus. Res mira. CRVCIS virtute, atque fulgore perstricti, artonitiique Mahometani repente diffugiunt. Gaspar CRVCIS INSIGNIA palam in Corano defigit: adhibitisque fabris, jussu Regis, camento & calce templi aditus & valvas obstruit. Super haec impiæ Mahometanorum vociferationes tota insulâ gravi prohibentut edicto.

Fremere hîc Antistites Satrapæque, & sacra deserta, religionesque violatas, cum Armuziano coram, cum ceteris Regibus, imprimisque Persa, per litteras queri, cunctos ad arma, & ultionem accedere: postremò sese urbem relieturos, & aliò commercia avocaturos minari.

Sed triumphavit de omnibus Amator CRVCIFIXI, qui incredibili animositate perduxit ad exitum felicem, quod inchoaverat: & plura quotidie ad honrandum CRVCIFIXVM meditans, Goam revocatus, ibi in ipsa concione, quam habuit in æde summa, repentina animi defectione desinere coactus est. Inde cum paulatim recepisset spiritum, reversus ad Collegium, ac subinde acerrimâ febri correptus paucis diebus extinetus est, verè LVMBN ORIENTIS, die XVIII. Octob. Anno M.DLXXXI. exacto in Societate propè septennio.

Nicolaus Trigautius fusè in Vita Barzai.

Nicolaus Orlandinus sparsim in historia Societatis lib. 10. à num. 122. & lib. 13. num. 75. ubi ejusdem mors & elogium.

## II.

## AMATOR CRVCIFIXI

Percussoribus suis divinam clementiam,  
verbis Christi in Cruce prolatis  
conciliare conatur.

32.  
IACOBVS  
SALESIVS  
Gallus  
Arvernus.

**I**ACOBVS SALESIVS Gallus, vir litteratissimus, hæretorum terror, nunquam improvisò vel adortus est sectarios, vel ab ijs impeditus, quin responsum illi esset ad manum. Tenerimo autem pietatis sensu, & velut ecstatico ferrebat in DVM. Inter meditandum Divina, nunquam aliò mente aberrabat. In omni colloquio sermonem inferebat de Deo Divinisque rebus. Instiuebat cærus, & quasdam velut Academias sociorum, qui Sanctis ex condito sermonibus universam sæpe familiam accendebant.

Porro, Sanctissimum CHRISTI Domini CRVCIFIXI Corpus, eximia pietaate, cultuque prosequebatur, nullaque de re libentius ardentiisque loquebatur. Inter sacrificandum nullas partiebatur animi vagationes, totus in mysterio,

in